



## Terenga 6: Hōtaka 6 – He kupu whakarite

### He Mihi

Kei ngā kākā tarawhete kua tau mai ki ngā peka o te rākau taumatua nei, e tū nei hei marumaru mō te hunga e ngākaunui ana ki te whakapuaki i ngā oro o te reo Māori, tēnā tātou.

### Hei Mahi Whakarongo

Hei whakakoikoi i ngā taringa i te rangi nei, kua tīpakohia tētehi wāhanga o ngā whakamārama a Tīmoti i kapohia ai e te hōtaka o Whakataukī, mō Te Atairangikaahu. Anei ngā pātai hei whakautu mā koutou:

- 1) He aha te mahi a te uri o Wīremu Tamehana?
- 2) Ko wai i tū ki te ihu o te waka?
- 3) He aha te waka?


Kia whakarongo ake tātou ki tētehi o ngā kaiurungi o te waka o Te Kōhanga Reo, ki a Tīmoti Kāretu.

### He Whakamārama

Anei ētehi kupu e hāngai ana ki te waka hei kupu whakarite mō te tangata, mō te kaupapa rānei. Kua tuhia he tauira ki te taha. Ehara i te mea koinei anahe ngā horopaki e hāngai ana.

1. niao (gunwale) – mō te hunga/tangata tautoko i tētehi tangata, i tētehi rōpū, i tētehi kaupapa rānei
2. rauawa (attached sides) - mō ngā tuākana/tēina/tungāne/tuāhine o te tangata
3. takere (hull) – mō te tūāpapa o tētehi rōpū/kaupapa
4. puhiariki (upper feather streamer) – mō te kaiārahi
5. puhimoana ariki (lower streamer) – mō te hāpai ō ki muri
6. taumua (front piece) - mō te amorangi/māngai/rangatira
7. tauroto (stern piece) – mō te ringawera/hāpai ō/kaitautoko

### He Mahi Ī-papa



Tuhia he whakamārama e pā ana ki te whakataukī.

---

---

### Hei Mahi

Rapua ngā kupu e 5 e hāngai ana ki te horopaki kotahi nō roto i te ao Māori hei tūāpapa mō ētehi kupu whakarite. Kua oti te mea tuatahi hei tauira:

1. **Ngahere:** kāuru; pakiaka; rākau taumatua; tōtara haemata; aka tārere
- 2.

### Whakautu:

**Mahi Īpapa:** Ki te haere pēnei te waka i runga i te wai, kāore e roa ka raru. Ki te pēnei te iwi, arā, kāore he putanga mō te ihu, ko te raruraru kē ka puta..